

التشبع من إلمادة العلميت

الحمد لله و الصلاة والسلام على رسول الله

الان وقد حددنا هدفنا وليكن الحصول على شهادة XYZ

ندخل في المرحلة التالية وهي مذاكرة المادة العلمية ، أو على الأصح : التشبع من الماده العلمية

نحدد : ح نذاكر ازاى ؟

يعني هل ح ناخذ كورس في Training Center أم Self Study أم أبو شنته

ولنبداً بال Training Center

طبعا الموضوع مرتبط بالميزانية ، يعني ممكن تكون ميزانيتك مفتوحه وساعتها ممكن تاخذ الكورس في مكان محترم وغالي ، و احيانا بعض الاماكن سمعتها بتغني عن انك تمتحن للحصول على الشهاده " طبعا لو ما كانش من ضمن ترتيباتك العمل بالخارج أو الشركات الـ Multinational "

لكن القضية مش اسم المكان فقط ، الأهم الانستراكتور *Instructor*

ودي حقيقه : اهم حاجه في الكورس هو الأنستراكتور ، يعني ما تتخدعش بالبنات اللي في الريسبشن و الفيلا اللي في مكان فاخر و الاجهزة البراند والبروشور الملون

أهم حاجه ان يكون الانستراكتور جامد ، ويفضل انك تسأل اللي خدوا نفس الشهاده عن الانستراكتور و تشتترط انه هو اللي يدملك الكورس

واعمل في ترتيبك انك ما تدفعش غير مقدم بسيط قبل بداية الكورس ، وطبعا ياريت تخلي قيمه متقسمه علشان تضمن ان عندك اوراق ضغط تقدر تستخدمها وقت اللزوم